

Die XIX. Junii. In Festo S. Julianæ De Falconeriis Virg.

[S.l.], [ca. 1770]

In III. Nocturno.

[urn:nbn:de:hbz:466:1-62798](https://nbn-resolving.de/urn:nbn:de:hbz:466:1-62798)

mum ætatis annum ageret, ad extremum vitæ spatiū
redacta est. Diuturnæ valetudinis incommoda hilari
vultu, constantique animo pertulit: de uno tantum
conqueri audita est, quod, cùm cibum capere, ac reti-
nere nullo modo posset, ab Eucharistica mensa, ob Sa-
cramenti reverentiam arceretur. Verùm his in angustiis
constituta, Sacerdotem rogavit, ut allatum divinum
Panem, quem ore sumere nequibat, pectori saltem ex-
terius admoveret. Precibus illius morem gessit Sacer-
dos; & mirum! Eodem temporis momento, divinus
Panis disparuit, & Julianæ sereno, ac ridenti vultu expi-
ravit. Res supra fidem tamdiu fuit, donec virgineum
de more curaretur corpus; inventa enim est circa sini-
strum pectoris latus carni veluti sigillo impressa forma
Hostiæ, quæ Christi crucifixi effigiem repræsentabat.
Hujus prodigiī fama, cæterorūmque miraculorum,
non Florentiæ tantum, sed totius Christiani Orbis ve-
nerationem illi conciliavit, ac per quatuor propè inte-
gra sæcula adeò aucta est, ut tandem Benedictus Papa
decimus tertius in ejus celebritate Officium proprium
recitari ab universo ordine Beatæ Mariæ Virginis Ser-
vorum jusserit. Clemens vero duodecimus munificen-
tissimus ejusdem Ordinis Protector novis indies mira-
culis coruscantem, sanctarum Virginum Catalogo ad-
scripsit. ¶ Afferentur Regi.

IN III. NOCTURNO.

*Homil. S. Gregorii Papæ in Evang. Simile
erit regnum cœlorum decem Virginibus.*

*Nona Lect. SS. Gervasii, & Protasii, &
Commem. ad Laudes.*

Missa de Comm. Virginum. Dilexisti &c.

*In secundis Vesperis, Commemoratio S.
Silverii Papæ & Martyris.*